

مشتاق

مطبعه و محل اداره :

جغال اوغلنده امنيت
صندوغى جوارنده
شنكول يقوشنده
۲۵ نومرو

اضطار :

مسلكمزه موافق آثار
جدیده مع الممنونیه
قبول اولنور

درج ایدلهین آثار اعاده اولنماز

دینه ، فلسفه ، علوم ، حقوق ، ادبیات تاریخ ، سیاسیاندریه و بالخاصه احوال و شئون اسلامیه بحث ایراد و هفته ده بر نشر اولنور .

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

قیرله دن مقوا بورو ایله کوندریلیرسه سنوی
۲۰ غروش فضله آلنیر

سنه لکی	التی آیانی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

آلتنجی جلد

۱۸ جمادی الآخره پنجشنبه ۲ خنیزان ۳۲۷

عدد : ۱۴۶

اشارت ابتدای . فقط بن بو اوچنجیسنک یانته کیدنجی ارمش بولدم باری هشامه ویرهیم دیدم ، دوندم ، باقدم که اوده اومش . عموجه مک اوغلنه کلام اوده اومش .

باقکیز شو ارواح طاهره یه که انالک جکر پاره لرینی دوشونه میه جکی بویله بر زمانده بیله بر لرینی قایر مقله اوغراشیورلر . ایشته « ویژرون علی انفسهم ولوکان بهم خصاصة » آیت جلیله سی بونلرک حالنی کوستریور . شو حاله باقکیزده صوکره بو درجه لرده صمیعی بر محبت انسانیتک مدار منخرتی ده طوغریسی حیوانات سائردهن مابه التمازی اوله جق نه کی اوصافی اسلزام ایدر ، اونی تأمل ایدیکز . ارتق اجدادمن بو قدر مدھش بر اتحاد ایله مسلح اولدقدن صوکره عدلرینک ، سلاحرینک ناجیز لکنه رغماً معصوره ارضی پک آز بر زمان ایچنده تحت حکومتلرینه آلملری بزم ایچون شایان استغراب اوله یلورمی ؟ هم بو محبت حقیقه افراد مسلمیندن هر برنده موجود ایدی . امیر ، حقیر ، غنی ، فقیر هرکس بر برینی عینی محبتله سوردی .

بصره کویلیلری کونک برنده والیلری بولن ان ابن عباسک حضورینه چیقارک دیدیرکه : « بر قرمش و من وار کیجیلری قائم کوندوزلری صائم . الله آدمی . طوغریسی هیمز اونک کی اوله - بیلمسنی ایستردک . بو آدجیز قرده شک قزینی اولندیریور حالبوکه فقیر اولدینی ایچون باشه چیقارمه میه جق » عبدالله بن عباس قالقهرق کویلیلرک الندن طوتدی اوینه کنوردی بر صندوق آجیدی ایچندن آلتی کیسه چیقاروب آلاک کوتورک دیدی . فقط بر آز صوکره « خایر ، یا کلا یایدق بزاد مجیزی نمازندن اوروجندن آله قویه جغز کلک ، اوله یایما یلمده قیزک تجهیزینی بز اوزریمزه الالم . زیرا دنیانک خالص بر مؤمنی عبادتندن القویه جق قدر قیمتی اولدینی کی بزمده الله آدملرینه خدمت ایدمه میه جک قدر عظمتیز یوقدر . دیدی . ایشته مسلمانلر اره سنده بویله صمیعی بر محبتک سریانیله درکه مساوات ، حریت ، عدالت دینن ارکان هیچ بر ملتک الله ایدمه میه کی بر صورتده تأید ایتشد . ایروده بوکا دائر سوزلر سویله جکیز .

بو بویله اولدینی کی مسلمانلر افراد مسلمیندن هر برینه ملتک اعلائی قدر و شانی ، تأید سطوتی ایچون چالشمه یی امر ایتمش ، عبدالله اک بیوک عبادتک سعادت عمومیه میه چالشمقدن عبارت اولدینی صراحة بیلدیرمشدر . علیه الصلوة والسلام افندمن بو یوریورلرکه : « ایچکیزدن برینک بر ساعت بر بلده اسلامیه یی » محافظه ایچون ثبات ایتمی قرق سنه عبادت ایتسندن خیرلیدر . - اصلاح ذات الین اوروجندن نمازندن خیرلیدر . - بر کونلک عدالت التمش سنه لک عبادتدن افضلدر . - دین قرده شک برایشنی کورن عمری اولدقجه جناب حقه خدمت ایتش دیمکدر . - بر آدم دین قرده شک ایشی ایچون کیجه یاخود کوندوز بر ساعتک یوروسه ایستراوایشی کورمش ایستر کورمامش اولسون ایکی آیلق اعتکافدن ده بویوک بر ثوابه کیرر . - بر آدم بر علم بیلمه ده اونی اوکرتمه قیامت کوننده جناب حق اونک اغزینه آتشدن برکم اورور . »

هیچ شبهه یوقدرکه شو ذکر ایتدیکنمز احادیث شریفه یی تدقیق ایدنلرادیانی تأسیسده کی مراد الهینک انسانلری مفرط بر طاقم عبادتله ، مهلک بریغین ریاضتله آلتنده اولدرمک اولمادیغنی ؛ بلکه جمعیات بشریه یی تهذیب ایدرک هر برینی افرادی اوزرنده حاکم بر طاقم قوانین ممدنه نک - سوقیله اوج مدنیه یوکسلتمک اولدیغنی یقیناً اکلایه جقلدر . کورمیور . یسکیز که دین « بر کله حکمت دیکله ملک ایکی آی اعتکافه قاپانمقدن ، بر ذات الینی اصلاح بوتون نمازلردن ، اوروجلردن ده افضلدر . » دیور .

یاربی ! سن مسلمانلره دینلری حقنده بر بصیرت ، خرافه لری تطهیر ایچون بر عزم عنایت ایله ده مسلمانلنی نصل بر کوزله کورمک لازمه اوله کوره بیلسینلر .

زیرا بورایه قدر نقل ایتدیکنمز حدیثلری اکلامش اولانلرک نظرنده تحقق ایتشدیرکه بو کونکی مسلمانلر نفاقلری ، شقاقلری ، تفرقه لری ، جهالتلری سببیه دینلرینی بر طرفه آتهرق هوالرینه هوسلرینه اویمشار ، بو صورتله غضب الهی یی جلب ایتشلردر . اوت ، تفرقه نک ، بر برینه بغض ایتمه نک مسلمانلغه کلیاً منافی ، ده طوغروسی دیندن خروج اولدیغنی بو حدیثلر بزه صراحة کوسترمکده در . زیرا جناب حق بودینی افراد ایچون ایندرمدی ، بلکه عموم جمعیت ایچون ایندردی . ذاتاً اوامر دینییه نک جوغنی آنجق مسلمانلر اره سنده وحدت بولندیغنی صورتده قابل انفاذدر . « اسلامک جماعته احتیاجی جماعتک اسلامه احتیاجندن زیاده در . » حدیث ،

محمد عاکف

اسلامده فن و فلسفه

حکمای اسلامیه فن ایله فلسفه اره سنده کی روابط قویه یی پک کوزل تقدیر بیورمشلردی . بالخاصه ابن سینا ، روابط مذکورہ یی تأیید ایچون پک جوق مساعی صرف ایلمشدر . (شفا) ده چیزدیکی خطوط اساسیه الحق شایان تقدیر وحیرتدر .

مؤلفین اسلامیه ، فتوی شعبه لره ، شعبه لری بابلره ، فصللره تقسیم ایتشلر ، عمومی پرنسیپلری ، نتایج فنییه یی فلسفه نک داره تدقیقنه حصر ایلمشلردی .

مشهور حسین بن معیدالدین ، اثیرالدین ابهرینک اثر معروفنه یازدینی شرحده ، فلسفه یی شو صورتله تعریف و تقسیم ایدیور :

« حکمت ، نفس الامرده بولندقلری وجهله اعیان موجوداتک احواله علمدن عبارتدر . اعیان مذکورہ ، بر طاقم افعال و اعمالدن عبارت اولوب وجودلری یا قدرت و یا اختیار بشرله اولور و یاخود قدرت و اختیار بشر خارجنده بولنورلر . بولردن برنجی به (حکمت عملیه) وایکنجی به ده (حکمت نظریه) اطلاق اولنور .

حکمت عملیه ، حکمت اخلاقیه ، حکمت تدبیر المنزل ، و حکمت سیاست المدنیه قسملرینه ایرلدینی کی ، حکمت نظریه ده فلسفه اولی

(متافیزیک) ، حکمت ریاضیه و حکمت طبیعیہ شعبہ لریئہ تفریق اولئور .
حکمتک شو صورتله اولان تعریفده کوره ، منطق ، اقسام فلسفیه
عدادینه داخل اوله من . اساساً حکمای اسلامیہ منطقک اقسام
فلسفہ دن معدود اولوب اولدیغنده اختلاف ایلمشلدردر . بعض یلری
حکمتی ، (نفسک علماً ممکن اولان مرتبہ کماله وصولی) صورتیه
تعریف ایدرهک منطقده اقسام فلسفہ میانہ ادخال ایلمشلدردر .

مع مافیه تعریف سابقدهکی (اعیان) کلمه سی ترک ایدیلرسه
منطق ینه فلسفہ اقسامنه الحاق اولنه بیلور . بو رأیی ترویج ایدنر
دیورکه : منطقک موضوعی ، وجودلری قدرت و اختیار بشرله
اولیان معقولات ثانیہ اولدیغندن تعریف سابقدن یالکیز (اعیان)
کلمه سنک حذفی مقصدی تأمینہ کافیدر .

شو تقسیمده اک زیاده نظر دقتہ چارپان شیء ، علم احوال روحک
آریجه ذکر ایدلماش اولمیشدر . حکمای اسلامیہ ، بسیقولوزی پی
قسماً حکمت اخلاقیه ده و قسماده آریجه تدقیق و مطالعه ایلمشلدردر ،
فلسفہ نك بو کونکی حالنه نظراً شو تقسیم عیناً قبول ایتکده
معدورز ، مع مافیه علمک او وقتکی حالنه کوره یاییلان شو تقسیمک
پک معقول اولدیغنی اعتراف ایتکده ضروریدر .

فلسفہ نك موضوع ، پرنسیب و مه تودلری حکمای اسلامیہ
طرفدن عمیق بر صورتده تتبع ایدلش اولدیغنی آثار متروکه لرندن
آکلاشیلیور .

ارنسترنان ، حکمای اسلامیہ نك کندیلرینه مخصوص بر
مسلك فلسفیلری اولدیغنی و این رشده آرسطونک آنجق بر شارحی
نظریله باقیله بیله چکنی ایما ایتک ایستیورسده ، بو قدر بر حقسنزلنی
غرضکار شهره چوق کورماملیدر . فلسفہ اسلامییه دائر — ادعا
ایتدیکی قدرتببعده بولنش و بر آزده انصاف صاحبی اولمش اولسیدی —
شبهه یوقکه بویله بر حکم ویرمکده او قدر استعجال اتمیه چکدی .
اسلامیتک فن و فلسفیه قارشیه نه کبی بر وضعیت آلمش اولدیغنی
اساسلی بر صورتده تدقیق ایده بیلیمک ایچون ، اسلامیتک ظهورندن
اعتباراً ادوار متعاقبیه بر نظر عطف ایدله :

هر طرفدن چیدلاق ینار طاغر ، بی پایان قوم صحرالریله محاط
اولان حجاز محیطی ، اورالرده ساکن اولان اقوامی پک بسیط بر
عقیدهیه مربوط قیلمش ، پک ساده بر حیاته آلیشمدیرمشیدی .
عربلر ، اساساً کسکین بر ذکا ، قوتلی بر حافظه ایله ممتاز ایدیلر .
کهنه ایران ویزانسنک لوث آلود مدنیتلریله اختلاط ایتماشلردی .
بعض اعتیادات سقیمه دن صرف نظر ، بکارت اخلاقیه لریله ممتاز
ایدیلر . عربلر اصالت و نجابت مسئله سنده پک متعصب ایدیلر .
فخر کائنات افندمن ايسه حجازک اک نیل ، اک نجیب بر عائله سنه
منسوب ایدیلر .

نشرینه مأمور بیورلدقلری انوار تابان اسلامیت ، آز زمانده
شمسه لایقی اکتساب ایلدی . حزمات نواره فرقان ، ارض
بطحی نك اقلیم یابسنی بر کلبن معرفت حاله قلب ایلدی . چسوق

کچمه دن ، کتاب اللهک لمعات عرفانی ، (حره) لرك ماورای شواهنی
نور عدالتله تولدیردی : بر طرفدن ، جنوبده ، یمناک زنکین ،
محصولدار سواحلی غرقه انوار ایتدیکی کبی ، دیگر طرفندن کهنه
ایرانک لوث آلود خرافه لرینی همالایه سلسله سی آرقه لرینه چکلمکه
مجبور ایدرهک او کوزل اقلیمی ده بر کلزار معرفت حالت کتیرمکه
موفق اولدی . بر حالدهک ، غربده ، ییزانسنک سفسطه پرواز ارباب
حکمتک کوزلری بو انوار حقیقت قارشیسندن — شعاع شمسه
معروض شب بره آسا — قامشمغه باشلادی .

خلفای راشدین دوری تأسیس دین ایله کچدی . بو دورده
مسلمانلر ، حکمت اخلاقیه نك اک مبجل نمونه لرینی کوسترمکه موفق
اولدیلر . بالفعل کوستریان شو نمونه لردرکه ، بالاخره حکمت
اخلاقیه نك نظریات عالیه سی تأسیس ایچون اساس اتخاذا اولدیلر .

دور رسالت ، بر دوره سعادتدر . یارغارک پک قیصه اولان
زمان خلافتیه ، ابن خطابک دووه عدالتپراسی ، قرآن کریم دن ،
افعال واقوال نبویه دن استنباط اولنه بیلن حکمت عالیه اخلاقیه نك
تطبیقات فعلیه سیله ممتازدر . بو سببه مبنی درکه ، بو دورلر ، اعصار
متعاقبیه نسبه غبطه بخشا بر علوتی ، مبجل بر نزاهتی ، ناقابل
تصویر بر بیوکلیکی حائزدر .

جناب حیدرک آثار متواتره ادبیه لری ، فلسفہ ابله لامیه نك اک
درین نکته لريله مالیدر .

غفوان صباوتی اکمل رسلك آغوش عرفاننده کچیرمش اولان جناب
کرار ، اصحاب کرام آره سننده علم و عرفانیله جدا کسب امتیاز
ایلمشدر .

قرآن کریمک حکمیات عالیه سی نافذ بر نظر ، مدقق بر فکرله
کورمش و آکلامشدر .

برر ضرب مثل حکمنه کچمش اولان (حکمیات علی) ، او
یوکسک تربیه نك ، شو نفوذ و نظریه بر نتیجه عالعالیدر .
امویلرک دوره حکومتی ، علماً ، سیاست حدود اسلامییه نك
توسع و انکشافی دوره سیدر .

وقوعه کلن قانلی اختلاللر ، فاجعه نما وقعهلره رغماً امویلر
حدود عالم اسلامک توسیعی خصوص سننده شایان سایش غیرت و فعالیت
کوسترمشلدردر . عالم اسلام داخل متشت ایدی . فقط ، خارجه
قارشیه برکتله رضین اتحاد شکلنده تجسم ایدیوردی . بو سایه ده
ایدی که ، مدنیت فرقانیه نك لمعات شمشعه پاشی ، چوق کچمه دن ،
هند حدودندن بحر محیط اطلاسییه قدر اولان قطعه وسیعه یی غرقه
انوار ایتکده باشلادی .

مدنیت اسلامییه ، مصرده ، سوریه ده ، ایرانده پک زنکین
دماغلر بولمشدی . بو آتشین ذکالری احاطه ایدن غشاوه جهل ،
حزمات نواره اسلامییه ایا بردنبره صیریلدی ، زائل اولدی . قارشیلرنده
بی پایان بر افق فعالیت آجیلیمش اولدیغنی کوردیلر . چالیشمغه
باشلادیلر :

اسلامی آرمه‌سند فئونه قارشى بيوك بر ابتلا اوياندى . اساسى نيل وادياننده قورولمش اولان هرمة تيك Hermétique مسلكى اسلامى آرمه‌سند . تعمم ايلمكه باشلادى . بونك نتيجه‌سند فن كيميا تولد و اسلامى طرفندن اساسلى وضع ايدلدى . فئونه قارشى اويانان ميلانك باشنده جمعيتك اك يوكسك صنفه منسوب بر چوق اعظم ، كزیده ارباب ذكا بولنيورلردى . (جابر) بو ارباب ذكا آرمه‌سند تمیز ايتمش بر خارقه‌در . اسلامى ، نسطوريك آثارى ، اسكندريه معارفى صورت جديده تدقيقه قويولمشلردى .

دها امويلر دورنده (غاليه) ك اثرلريله غرامرجى ژانك كتابلرى كاملاً عربجه ترجمه ايدلمشدى ، كيميادن ماعداد طبه دائره بر چوق اثرلر انتشار ايلمشدى . امويه خاندان سلطنتى اركانندن (خالد بن يزيد) فنه قارشى ابتلا درجه‌سند بر محبت بسليوردى .

خالد ، اسكندريه ، ارباب علومى جلب ايدى يونان قديم آثار فنيه سنى عربجه ترجمه ايدلردى . بو كتابلر كاترئيسى هيئت ، طب ، والكيميا عائد ايديلر .

اسلامى كيميائى پك ابتدائى بر حالده بولمشلردى . فن كيميائى حقيقى مؤسسلى علمى اسلاميه در .

امويلر دورنده ، ايكي بيوك ذات ، بربرلرينك خصمى امانى اولان ايكي خاندان انجالتندن خالد بن يزيد ايله علويلردن جعفر صادق فن كيميائى قمل طاشنى آتمغه چاليشيوردلردى . خالد ، حرکات خلقت شكنانه . يله صحايف تاريخده شائبه دار ، شايان نفرين بر نام براقش اولان معهود يزيدك مخدوميدر . فقط خالد ، (يخرج الحى من الميت) نظم جليلى مصداقك بر تمثالى صاييلير . جعفر صادق ايسه جد اكبرينك حكيمات و فضائل عاليه سيله متجلى مجسم بر نمودج عرفان ايدى .

خالد ، تاريخك شايان تدقيق سيالردن معدوددر . تاريخ علومده پك بيوك بر نام براقه بيله جك نوادر روزكاردن ايدى . نه چاره كه بعض الحيات سياسيه و محيطيه ذكاي فطريسنك لايقيه انكشافه مساعد بولنميشدر .

آثار قديمه علميه يي ، ايلك دفعه اوله رق عربجه ترجمه ايتديرن خالددر .

بو ذات ، بر متفن اولمغه برابر عين زمانده بليغ بر شاعر ، ذكى بر قانون شناس ايدى . فنه اولان ابتلاسى اسبابى سؤال ايدنلره (حق حكومتى المدن غصب ايتديلر . هم جنسمه نافع اوله بيلمك ايوون علم ايله اشتغالدن باشقه چاره كوره ميورم) جوابى ويرميشدى . يزيد كى بر شخصك اولادينه اسناد ايديلن شو سوزلر ، انسانى پك درين دوشونديرر .

محمد بن اسحق ، خالدك درت قدر اثرينى كورمش اولديغنى يازيور . ابن خلکان فن طب و فن كيميايه دائر بعض مؤلفاتى بولنديغنى تصديق ايلمكده در .

خالدك ، فونى ماريانوس Marianus نامنده برزادتن تعلم ايلديكى ينه ابن خالكانك جمله روايتنددر . خالدك منظوم بر ديوانى بولنديغى ده متواتر در . اوج اثرينك لاتينجه ترجمه ايدلمش اولديغنى دوقنور لوسيهن ذكرايدييور . اسلامى آرمه‌سند كيميا ايله ايلك توغل ايدن خالددر . الاكسيك تركينه دائر معلومات ويرديكى كى فلسفيه عائده خيلى تبعاتده بولنمشدر .

جعفر صادق ايسه ، خالدك تاريخ وفاتندن درت سنه اقدم (۶۹۹ سنه ميلاديسنده) مهد آراى عالم شهود اولمشدر . الكيميايه دائر بعض اثرلر يازديغى روايت ايديليور . مشهور جابرله امام اعظم حضرتلرى جعفر صادق حلقه تدريسنده بولنمشلردى . شرقده الكيميا و علم جفرك امامى جعفردر .

جعفر آتمش سنه قدر معمر اولمشدر . ابن خلکان ، مختلف موضوعلره دائر بشيوز قدر رساله يازمش اولديغنى ادعا ايديليور . معافيه هيچ بر اثرى اولمسه بيله ، جابر و امام اعظم كى ذواتك استادى اولمق مزيتى تاريخ علومده كنديسنه بر موقع مخصوص بخش ايدى بيلور . جابر الكوفى . — جابر حياتنك دوره اوليه سنى كوفه ده كچيرميشدى . كنديسنه الكوفى لقبك بو مناسبتله ويرمش اولمى محتلمدر . كتاب الحكماء جابرى (صوفى) لقيه ده ياد ايديليور .

علماء بو درجه معروف اولان بو ذاتك تاريخچه حياتى همان مجهول كيدير . كشف الظنون صاحبي هجرتك ۱۶۵ هجى سنه سنده (۷۷۶ سنه ميلاديسنده) ارتحال ايتديكنى بيان ايديليور .

جابر آروپا لسانلرنده céber) ناميله اشتهار ايلمشدر . صاحب فهرستك بياننه نظراً ، فلسفه ، الكيميا ، طب و علم هيئته عائد اولمق اوزره ايكىوزى متجاوز مؤلفاتى واردر .

معافيه ، جابر ، تأثيرات محيطيه قاييله رق و علم جفر كى خيالاته ده اشتغالدن كندينى آله مامشدر .

فلسفه ، هيئت ، تاريخ طبيعى ، تشریح و طبه دائر اولان آثار قيمتدارى آرمه‌سند تعبيرنامه لر ، جفرنامه لر غريب بر تضاد تشكيل ايديليور . فقط محيطه توافق بر قانون عموميدر . موجوداتدن هيچ بر فرد ، حتى خارقه فطرت اولمق مزيتى احراز ايتمش اولانلر بيله ، بو قانون احكامندن خارج قاله مزلر .

دائرة اسلاميه يي كى داخل اولان اقوام ، بالخاصه ، ايرانلر ، مصريلر ، سوريه ليلر عنعنات تاريخيه لرينى بردنبره كاملاً اونوته مزلردى وفى الحقيقه ايله اولمشدر . علم جفر كى شيلرده بو عنعنات ميانه داخل اوله بيلور .

ديمك كه ، جابر كى داهيلر بيله عنعنات ماضيه نك اسيرى اولمقندن وارسته قاله ميورلر !

جابر ، فيثاغورث ، سقراط ، افلاطون ، آرسطو وده موقريت كى حكماى قديمه نك اثرلرينى كاملاً كوزدن كچيرميشدى . بو اثرلرى تنقيد يوللى بر چوق تأليفات براقشدر . جابريك باليناس (Balinas) مسلكنى ده تدقيق ايتمش اولديغى ظن اولنيور .

معنویات عسکریه در سلسله‌نامه بر بایران :

عثمان

۱۳۲۴ سنه‌سی روم ایلمده طانیدیم عثمان ؛ اسپرلی بر زاندارمه نفری ایدی . کوکلنده فضائل عسکریه قاینار فشقیر بر ارسلان ایدی . دشمنه قارشی یمان بر صاعقه ، صادق و طنداشنه قارشی مونس بر قوزو ، خال آسایشده بر ملک ، مصادمه‌لرده مدھش بر آتش ایدی .

عثمان بر کون بر نظامیه نفریله بر کویک کنارینی طولاشیوردی . او کویده بر چته ؛ عثمانلی یوردنده یو ییقمق ، اوجاق سوندرمک قرداشی قرداشه بوغازلتمق ایچون گلش خائن بر چته اشقیا بولندیغنی بیلمیوردی . بر مفرزه عسکریه مجاور کوی صامرش چونکه چته‌نی اوراده صانیوردی . بو ائنده کویدن چیقان چته بالتصادف عثمان ایله قارشلاشمش ؛ کندی ایله رفیق اوزرینه بر یایلم آتش یامش ایدی . عثمان آرقداشنه باقمش ، شهید دوشدیکنی کورمشدی . بسعله شریفه ایله سلاحنه داورانان عثمان اشته او وقت اوچ وظیفه قارشیننده قالمشدی :

۱ . نجیسی ؛ مفرزه‌نک یتیشمنی تأمین و وظیفه‌سنی تسهیل ایچون چته‌نی اوراده اویالامق . ۲ . نجیسی ؛ شهید اولان آرقداشنک انتقامنی آلمق . ۳ . نجیسی ؛ کندی حیاتی بهالی به صائمق . یالکز بونلر ایچون بر شی لازم ایدی ؛ اوده ؛ بوایشک اری اولمق . عثمانک یورکنی طاشیمق !

ایشته عثمان ؛ اللهنه صیغینه‌رق کال سکونته آتسه باشلامشدی ، دشمن عثمانی پک یقین وتک باشنه کوردیکندن مهمسمه‌مش و عثمانک باشنی دیری دیری کسمک ایچون هوسلنمش ؛ هجوم ایتش ایدی . فقط بو هجوم عثمانی شاشیرتمق دکل ، بالعکس جسارت و سکونتی آرتیرمش ایدی . کال اعتدال ایله آتدیغنی قورشونلر ؛ کاله کسمکه کلنلرک آلتیسنی بیروخ یره دویرمش ، بو منظره ایسه دیکرلرینی موضعلرنده آلیقومش ، عثمانک کندی حسابلرینه کلیر آدم اولمادیغنی آکلاتمش ایدی . اشته بو قوجه عثمان ، چته‌نی یرنده میخلامش ، باش قالدیرتماش و مفرزه عسکریه یتیشینجه‌یه قدر آنلری قاچیرتماش ایدی .

تک باشنه بو وظیفه‌لری ایفا ایدن عثمان ؛ بیلیرمیسکیز ای قارئین کرام نه محویتپرورد . . . ؟ قدر تواضع ، حیا ، حجاب ، اطاعت موانست ، صداقت صاحبیدر . . . ؟ نه حلیم ، کچیملی ، صبرلی ، قناعتلی بر متوکلدر . . . ؟ مثلاً بو یاپدیغنی قهرمانانی بر یابانچی سورسه ؛ عثمان اوتانیر ، صیقیلیر ، بو ایشدن عدم معلومات بیان ایدر چکیلیر ! ادعا ایتسه‌لر ؛ بلکه بشقه عثمان در ، دیر صاووشور . هیچ بر زمان هیچ بر یرده مقام تقاخرده کناندن بحث ایتیز . حتی اونباشیسی عثمانی قصقانیبر ، بناء‌علیه آنی صیقار ، ازر ، فقط عثمان هیچ سس چیقارماز ، نه ایما ایدر ، نه شکایت ایدر ، نه چکشیدیرر ، نه ده قلبنده

هندسه‌ده اوقلید و الحسطی به شرح‌لری اولدیغنی مرویدر اسطرلاب حقنده مهم بر کتاب یازدیغنی ده تواتراً روایت ایدیلور .

پارس کتب‌خانه‌سنده جابرک یازمه بر قاچ اثری وارد . (کتاب الرحه) می سوله‌مانک (۱۰۸۰) نومروسنده مقیددر .

جابر معادن آلتون ، کوش ، باقر ، دمیر ، قورشون و قلائی حقنده اساسلی معلومات و یرهبیلمشدیر ، توصیف‌خجوره عائدده بر اثر مفیدی وارد .

(کتاب‌الاحد) ی صرف طبین باحثدر . بالخاصه معالجات وادویه حقنده معلومات مفصله‌نی جامعدر .

(کتاب‌الحاخص) و (کتاب‌الخواص) عنوانلی اثرلری ایسه الکیمانک بر فلسفه‌سی کیدر .

کتاب‌الحاخص ، سالمون طرفندن فرانسه‌جه‌یه ترجمه ایدلمشدیر . جابر ، معادن خسیسه‌نک معادن عالییه قلب اولنه‌بیله‌جکی حقنده‌کی (هرمتیک) نظریه‌سنک برنجی مدافیدر .

جابر دیورکه : « بر نوعک دیکر بر نوعه تحولی غیر ممکن اولدیغنی ادعا ایتک قدر عبث بر شی اوله‌مز . عادی بر قوردک ، استحاله نتیجه‌سنده کلک حالتی کلدیکی دائماً مشاهده ایدلیورمی ؟

انسانلر بالذات بر معدنی دیکر بر معدنه قلب ایده‌مز . قلب ایدن قوت نوامیس طبیعه‌در . انسانلر یالکز و سائط و مواد لازمه‌نی احضار ایده‌رک بو خصوصده طبیعه معاوت ایده‌بیلیرلر .

مؤثر و محرک بز دکل ، بزمده حکمنه‌رام اولدیغمز قانون فطرتدر ، جابرک شو ادعای موافق حقیقت اولماقله برابر ، قائلنک نوامیس خلقت حقنده پک اساسلی و درین معلومات صاحبی اولدیغنه واضح بر برهاندر .

موسیو هوفر (Hoefer) جابردن بحث ایدرکن دیورکه : (هیوقرات ، تاریخ طبده نه ایسه جابرده تاریخ کیمیاده اودر) . خلاصه ، جابر ؛ قرون وسطی ارباب علمی ارسنده ممتاز برسیادر . هر حالده دورینک فریدی ایدی . تأثیرات متقابله نتیجه‌سنده اجسامده وقوعه کلن تبدلانه دأثر پک اساسلی تدقیقات و تجربه‌لر اجراسنه موفق اولمشدر .

علوم و فنون نقطه نظرندن امویلرک دوره حکومتی اعلان ایدن بر قاچ بیوک ذاتدر : خاندان سلطنت ارکانندن خالد ، بالخاصه الکیمایه رغبت کوسترمشدی . نتیجه‌ده جابرکی داهیلر بشدی .

بالآخره ، عمر عبدالعزیز زماننده ؛ قیمتدار بعض اثرلر ده ترجمه و تألیف ایدلدی .

فقط ، مؤلفات مذکورده‌نک ثمرات نافع‌سنی کوره‌بیلمک ایچون یارم عصر ده انتظار ایتلیدر .

مدلی اعدادیسی مدیری

م . شمس‌الدین

مابعدی وار